



Universitätsbibliothek Paderborn

Cibus Electvs Sive Instrvctiones Sanctae De vita sanctè traducenda& inter pios sanctósque affectus concludenda

Elffen, Nicolas

Coloniae, 1667

Instructio V. De externa Christiani compositione & vitatione defectuum etiam inculpabilium.

[urn:nbn:de:hbz:466:1-55232](#)

INSTRUCTIO QUINTA.

*De externa Christiani compositione & vi-
tatione defectuum etiam inculpa-
bilium.*

Tantus est Christianæ puritatis nitor, ut non solum ex corpore & animo arcita velit, quæcunque habent rationem veræ culpæ, sed etiam isthæc omnia caveat sedulò in quæ licet formalis peccati ratio non cadat, sunt tamen ejusmodi, quæ in oculis hominū & Dei, ut indecora & inconcinna æstimantur, & quæ eam ob causam à viris prudentibus & exactè Sanctis non solum improbata, sed etiam studiose vitata sunt. Sic indecens & minus compositum habetur, inter ambulandum jaclare brachia instar seminantis, inter sedendum divaricare pedes, crus cruri superimponere, alijs cernentibus digitos naribus inserere, & inde fordes extrahere, ungues non habere præcisos, eosdem coram aliis refecare, decerpere folia aut ramusculos ex arboribus, ijsque lusitare, sputa à te ejecta non obterere pedibus, ridere & loqui altius, & id genus alia, quæ perfectæ puritatis amans sedulus cavebit, ut in quavis occasione nitidissimos divinæ Majestatis oculos & cor solari & exhilarare possit. Felicem te, si Sponsus ille cœlestis in te hoc depraedicit, quod suâ in Sponsâ dilaudavit. *Vulnerasti cor meum Soror mea Sponsa, vulnerasti cor meum, in uno oculorum tuorum*

morum, & in uno crine collitus. Cant. 4. v. 9.
 modestè videlicet & decenter composito.
 Qualis igitur est aulicus dum Regi astat, ta-
 lis tu esse enitere coram oculis DEI & An-
 gelorum. Imò quales esse solent ipsi
 Principes, qui oris specie, & morum Maje-
 state plerumque inter aulicos suos eminent,
 talis tu esse & morum compositione vere-
 cundiáque inter domesticos tuos excelle-
 re stude : Dico quod est amplius : Ipsos
 Angelos moribus tuis exprime, & in terris
 vive sicut terrestris quidam Angelus, ut di-
 cere possis cum Paulo : *Nostra autem con-*
versatio in Cœlis est. Angelicam conversatio-
nem tenere conentur, inquit S. Laurentius Ju-
stinianus, quotquot cœlesti Domino gratissimum
desiderant exhibere famulatum.

INSTRUCTIO SEXTA.

De abolenda obligatione pœnarum in Pur-
gatorio sustinendarum.

Ecce tibi ultimum eumque sublimissi-
 num puritatis perfectæ gradum, ut des
 videlicet operam, quò pro peccatis præteri-
 tis ac præsentibus ita plenè satisfacias, ne
 post mortem purgatoriij carcere detineri co-
 garis, sed omnino purus & integer, ad DEI
 conspectum admittare ocyùs. Res enim
 vero ardua, & difficilis, fateor, sed cave ani-
 mum despondeas, monitisque, quæ suggero,
 obtempera, ac tum quod optas, obtine-
 bis.

Tene,